

四庫全書

史部

欽定四庫全書

史部

欽定續文獻通考卷三百七

給事中<sub>臣</sub>劉芬覆勘

總校官內閣中書<sub>臣</sub>孫溶

欽定四庫全書

欽定續文獻通考卷二百七

封建考

元太宗八年七月詔以中原諸州民戶分賜諸王貴戚  
憲宗二年七月詔以中州封同姓

憲宗六年春定擬諸王歲賜錢穀

元史諸王表曰元興宗室駙馬通稱諸王歲賜之  
頒分地之人所以盡夫展親之義者既優且渥然

初制簡朴位號無稱惟視印章以為輕重厥後有國邑之名而賜印之等猶前日也

食貨志曰元制凡諸王及后妃公主皆有食采分地其路府州縣得薦其私人以為監秩祿受命如王官而不得以歲月通選調其賦則五戶出絲一斤不得私徵之皆輸諸有司視所當得之數給與之其歲賜則銀幣各有差始定於太宗之時而增於憲宗之日及世祖平江南又各益以民戶時科

差未定每戶折支中統鈔五錢至成宗復加至二貫其親親之義若此可謂厚之至矣至於勲臣亦然又所以大報功也

臣等謹按元制惟視印章以為等級表中所列其

封一字王者最貴如燕秦晉梁越營郇寧齊楚幽

濟魏魯定隴趙嘉荆昌衛兗吳壽周安遼冀恩岐

并懷豫肅鄆邠鄜慶瀋

以上共三十九封號

以及駙馬高麗

國王

至元時立瀋州以處高麗降民故瀋王類由高麗國王龔封

緬國王安南

國王又有按只吉歹大王無國名皆金印獸紐其

次二字封號如安西北安鎮南懷寧北寧湘寧陽

翟雲陽恩平北平安遠汝寧宣德文濟保恩武寧

威順威靖西安宣讓西寧柳靖西靖廣寧保寧

共二

十五國號

又有伊遜克大王無國邑名皆金印螭紐其

次如河間河平雲南濟南威武西寧鎮寧衛安威

定寧肅襄寧安南武陽安定永豐

永豐表中獨稱郡王

安德

永寧汾陽威遠武平寧海昭武順陽延安濟寧高

唐高昌白蘭

共二十  
七國號

又有伊蘇布哈王玉隆哈實

大王達實特穆爾王納默古哩王鄂羅木烏遜王

察必達爾王怕克巴拉大王巴克實特穆爾王

表  
中

所列共  
八人

無國邑名皆金印駝紐其次西平鎮西武

靖雲南威順宣靖綏寧靖安廣平靖恭懿德寧海

南平廣寧建昌

共一十  
四封號

又有巴爾達噶大王旺丹

大王特穆爾大王拜特穆爾大王博囉齊大王伊魯

特穆爾

共六  
人

無國邑名皆金鍍銀印駝紐其次寧

遠鎮遠靖遠定遠肅遠鎮東泰寧

共七國號

又有無國

邑之完澤大王

完澤後改封衛安王其初封無國邑

皆金鍍銀印龜

紐其次南平永豐寧昌宣寧懷仁保德寧濮濮陽

南平濮陽止稱王餘皆稱某郡王共八國號

又有布哈駙馬伯奇特穆

爾王齊哩克台郡王阿古特穆爾王鄂勒哲額布根

王納默古哩大王哈必濟大王巴拜大王

其子哈布爾特

穆爾王

和塔拉特穆爾王徹伯爾大王

後改封威武西靖王 昌

吉駙馬

後改封寧濮郡王

烏呼訥王無國邑名皆銀印龜



組凡此以上皆表中所列也其中往往有彼此重

列者如雲南王一見於金印駝紐則為和克齊

表中

止書和克齊人名無封年額森特穆爾羅丹三人所封一見於

金渡銀印駝紐則亦先列和克齊

表於此處書至元五年封而

又列旺沁與特穆爾布哈二人威順王一見金印

螭紐一見金渡銀印駝紐皆為庫春布哈寧海王

一見金印駝紐則為庫庫楚伊蘇瑪勒巴圖爾阿

哈四人一見金渡銀印駝紐

所封之人闕載

南平王一見

於金渡銀印駝紐

所封之人關載

一見於銀印龜紐則為

秃剌所封永豐郡王一見於金印駝紐則為丑漢

駙馬初受之封一見於銀印龜紐則為博羅所封

廣寧王一見於金印螭紐則為卓多徹爾特穆爾

阿固察三人所封一見於金渡銀印駝紐則亦為

卓多所封

表中於金渡金印駝紐下則僅註卓多中統二年封其在金印螭紐類者則亦

註中統二年封至元十三年賜印

大約諸人封號雖同而印章有

別或一人之身前後同此封號而賜印自有等差

故皆為之重列而表所謂惟視印章以為輕重者  
於此更可見矣

同姓封建

臣等謹按遼金同姓封建皆先敘皇子次及皇族  
以其分益親則位益貴也然遼金二代襲封者甚  
少而元明二朝襲封者多且人數尤繁故仍照元  
史世表系以各帝之子孫悉按其支分派別為之  
叙列庶便觀覽明代亦准此例元史於宗室惟伯

勒格台卓沁太子越王圖喇楚王伊克圖威順王  
庫春布哈淮王布哈特穆爾六人有傳餘概無傳  
其事跡之湮沒者不知凡幾邵遠平續弘簡錄以  
宗室系屬合為一卷然亦止據紀傳中所可徵者  
而彙集之非能別有所增益也今本元史與邵氏  
書互為參訂其所缺畧不可得而他求矣

寧海王巴圖爾

表作拔圖爾

始祖之裔達爾札之四世孫

封年

未詳王名見延

祐五年三月紀

臣等謹按系表始祖之裔有達爾札之孫寧海

王庫庫楚

世系表誤作寧王今從諸王表改正

庫庫楚之孫則有寧

海王伊蘇瑪勒寧海王巴圖爾寧海王阿哈三人  
諸王表亦列其名而封爵之年俱缺雖巴圖爾之  
名偶見於延祐五年之紀餘則絕無可徵故專書  
巴圖爾而以餘人附見焉

益王邁努達爾札之五世孫泰定帝初立封泰寧王以  
泰寧縣五千戶為食邑三年封宣靖王鎮伊都順帝至

元二年二月進封益王至正十七年毛貴陷伊都邁努遁

臣等謹按泰定紀英宗南坡之變諸王邁努自拔逆黨逃赴晉邸故封泰寧王至泰定元年三月泰寧王邁努卒以其子額琳沁多爾濟嗣至三年正月並書封諸王庫春布哈為威順王鎮湖廣邁努為宣靖王鎮伊都順帝紀至元二年進封宣靖王邁努為益王邵經邦弘簡錄以表中由泰寧進封

宣靖之語直斷泰定元年三月之紀為誤未為無見第史中凡改封進封之事皆本其原封之爵書之其初未有封號者則僅書諸王今泰定三年之紀並不云改封泰寧王為宣靖王而直以諸王貫之則疑封泰寧封宣靖者或是二人且凡紀中所載有封號諸王其失載於世系諸王二表中者頗為不乏或別有一邁努而表中之文反為錯誤未可定也今以世系表中又並無邁努子額琳沁多

爾濟之系

睿宗子錫里庫大王之子有額琳沁多爾濟王與此名相似然紀表中皆不見

其事蹟

而邵氏著書時或更有所考故姑據之而存

其疑亦以見尚論之宜慎焉

太祖叔達爾札官人位歲賜銀三十錠緞一百匹五

戶絲丙申年分撥寧州一萬戶延祐六年實有四千

五百三十二戶計絲一千八百一十二斤江南戶鈔

至元十八年撥南豐州一萬一千戶計鈔四千四百

錠



右系出始祖

齊王班布爾實烈祖次子柴濟薩哈勒大王之裔大德

十一年七月

時武宗已即位

封齊王

齊王伊魯音特穆爾柴濟薩哈勒之裔

據表是班布爾實之姪

延祐

三年七月封保恩王賜金印進封恩王又改齊王

齊王伊魯特穆爾伊魯音特穆爾子延祐六年

封恩王給印泰定三年七月嗣封齊王賜金印

紀於次年七月

又複書給印

文宗天歷二年薨

臣等謹按順帝至正十二年八月有齊王寶勒們獻馬事不知即以上齊王諸人之系否無可詳考

太祖弟柴濟薩哈勒大王淄川王位

淄川王惟見於食貨志而紀表

皆無考淄與齊同一地當即齊王又稱淄王柴濟薩哈勒當亦是追封淄川王歲賜銀一百

錠緞三百匹五戶絲丙申年分撥般陽路五萬四千四百九十三戶延祐六年實有七千九百五十四戶計絲三千六百五十六斤江南戶鈔至元十三年分撥信州路三萬戶計鈔一千二百錠

吳王圖烈納烈祖第三子和實哀大王之孫大德十一

年七月

時武宗已即位

封濟王仁宗皇慶元年正月改封吳王

吳王瑪納濟和實哀大王之曾孫初封濟陽王文宗至順元年徙封吳王

濟陽王普爾普圖烈納之子初封吳王文宗至順元年徙封濟陽王

臣等謹按文宗紀云徙封濟陽王瑪納濟為吳王

吳王普爾普為濟陽王事在至順元年三月但以

前天曆二年三月已有稱瑪納濟為吳王之文且其初封濟陽王之事紀又不載史中之闕訛多矣表以瑪納濟普爾普為兄弟行而天曆二年八月本紀又有徵吳王普爾普及其諸父瑪納濟赴京師之文輦行亦不盡符皆無可詳訂

濟南王星納噶爾和實袞大王之裔世祖至元二十四年十月封

臣等謹按至元二十四年紀曰俗格言諸王星納

噶爾印文曰皇姪貴宗之寶寶非人臣所能用因  
其分地改為濟南王為宜從之則星納噶爾之初  
封為濟南王明矣諸王表中於濟南王位下不載  
星納噶爾而專書伊埒濟至元二十四年封與紀  
不合王圻本又載和實衮之子昂吉濟達至元二  
十四年封濟南王諸王表亦有濟南王昂吉濟達  
之名耳無封年不知何所據而云二十四年封也  
西寧王和塔拉默色和實衮大王之裔

表作吳王瑪  
納濟之子文

宗天歷二年封

文宗紀天歷二年二月有西寧王和塔拉默色之文不言封冊事今據表書

臣等謹按文宗紀天歷二年十二月有給幽王呼

圖克台默色王傳印之事世系表無此人諸王表

幽王位下亦無之考西寧王和塔拉默色是年二

月封與此名字相類而次年三月又封諸王斯隆

瑪為西寧王以此叅度疑和塔拉默色由西寧進

封幽

如幽王徹伯爾由威武西寧王進封之類

故次年又別封斯隆瑪

為西寧王未可知也西寧王和塔拉默色為烈祖

第三子和實哀之四世孫斯隆瑪表作色埒默為  
烈祖第四子特默格鄂齊錦之四世孫輩行正齊  
但支派徵別耳附錄於此未敢臆斷

太祖弟和實哀大王子濟南王位歲賜銀一百錠綿  
六百二十五斤小銀色絲五千斤緞三百匹羊皮一  
千張五戶絲丙申年分撥濟南路五萬五千二百戶  
延祐六年實有二萬一千七百八十五戶計絲九千  
六百四十八斤江南戶鈔至元十八年分撥建昌路

六萬五千戶計鈔二千六百錠

臣等謹按歲賜錄有哈坦大王位五戶綵戊午年

分撥濟南漏籍二百戶延祐六年實有一百九十

三戶計綵七十七斤一條考世系表中有二哈坦

一為太宗子已別著其歲賜之數則此哈坦似當

為和實哀之孫

世系表亦作哈坦

但史言哈坦從乃顏為

叛屢入寇不當仍有歲賜且世系表以濟南王星

納噶爾為其孫歲賜錄已有和實哀子濟南王位



下一條何又有此終不辨其為何系也

又按歲賜中有鄂爾根徹爾大王位下五戶絲丁  
已年分撥廣平三十戶延祐六年實有五戶計絲  
二斤一條鄂爾根徹爾世系表中無考不知何系  
類志於此

壽王奈曼台烈祖第四子特默格鄂齊錦之曾孫武宗  
至大元年七月封

遼王托克托奈曼台之孫仁宗延祐三年封

封年據表  
書紀文無

泰定帝崩後托克托附丞相都爾蘇上都破時被殺

臣等謹按文宗紀天歷二年八月封雅爾烏實哩  
為遼王以故遼王托克托印賜之考世系表中失  
載此人不知其何系續弘簡錄亦載之疑即托克  
托之後

西寧王斯隆瑪特默格鄂齊錦之裔文宗至順元年三  
月封

壽王托里齊特默格鄂齊錦之子

名號見文宗至順二年紀封年

未詳

太祖弟旺沁諾延位歲賜銀一百錠綿五千九十八  
斤緞三百匹諸物折中統鈔一百二十錠羊皮五百張  
金一十六錠四十五兩五戶絲丙申年分撥益都路  
等處六萬二千一百五十六戶延祐六年實有二萬  
八千三百一戶計絲一萬一千四百二十五斤江南  
戶鈔至元十八年分撥建寧路七萬一千三百七十

七戶計鈔二千八百五十五錠

廣寧王卓多烈祖季子伯勒格台之孫世宗中統三年封至元十三年賜駝紐金鍍銀印

臣等謹按廣寧封年紀文無考世祖紀云中統三年正月賜廣寧王卓多駝紐金鍍銀印至至元十三年三月又書賜郡王卓多銀印同為銀印前後兩賜疑有誤諸王表則書中統三年封至元十三年賜印與伯勒格台傳合得其實矣

又按伯勒格台傳曰伯勒格台太祖時以腹心遇  
嘗立為國相又長札爾固齊別授之印世祖至元  
九年二月詔札爾固與火通齊乃太祖開創之始所  
置位百司右賜銀印立左右司即伯勒格台之所  
部也此雖無國號而實元初封建之制故追錄於  
此

廣寧王徹爾特穆爾伯勒格台之曾孫

封年未詳

廣寧王阿固察徹爾特穆爾之子文宗至順元年七月

封賜金印

臣等謹按順帝紀至正十三年九月廣寧王呼圖克特穆爾薨十四年正月命特穆爾布哈襲封當即阿固察之後但世系諸王二表皆無可考

定王色徹肯伯勒格台之曾孫至治三年封

臣等謹按泰定紀即位之年十二月時尚稱至治三年書

授諸王色徹肯以其父故金印不言封定王事表則書至治三年封當是泰定初封也

定王徹爾台色徹肯子泰定四年封

封年僅據表書紀文無考

太祖弟巴勒噶岱小王子廣寧王位

巴勒噶岱即別里古台

歲

賜銀一百錠緞三百匹五戶絲丙申年分撥恩州一

萬一千六百三戶延祐六年實有二千四百二十戶

計絲一千三百五十九斤江南戶鈔至元十八年分撥

鈐山州一萬八千戶計鈔七百二十錠

呼喇濟大王

世系表作呼喇濟

五戶絲丁巳年分撥廣平等

處一百五十戶延祐三年實有八十七戶計絲三十

四斤

臣等謹按呼喇濟未見國邑之號故考中不載以  
其亦為伯勒格台之孫故附錄於此

右系出烈祖

寧肅王托克托太祖長子卓沁太子之子武宗至大元  
年封

據表書紀  
文無考

二年十一月賜金印

臣等謹按卓沁傳曰國初以親王分封西北其地

極遠去京師數萬里駟騎急行二百餘日方達京



師以故其地郡邑風俗皆莫得而詳焉此亦封建  
之得其實者第無王號耳

肅王庫春托克托之子文宗天歷二年封

太祖長子卓沁大王位歲賜穀三百匹常課殺一千  
匹五戶絲丙申年分撥平陽四萬一千三百二戶戊  
戌年真定晉州一萬戶江南戶鈔至元十八年分撥  
永州六萬戶計鈔二千四百錠

克王邁珠韓太祖第二子察罕台之曾孫武宗至大三

年十月封

威遠王呼圖克特穆爾察罕台之曾孫英宗至治三年  
七月封賜金印

臣等謹按世系表書呼圖克特穆爾之父為威遠  
王阿濟格今以紀文無考諸王表威遠王位下亦  
止書呼圖克特穆爾一人故不列

越王圖喇察罕台之裔大德十一年七月

時武宗  
已即位

封賜

金印以越州路為分地至大二年二月以罪賜死

哈喇哈斯傳曰初仁宗之入也阿固台有勇力人莫敢近諸王圖喇實手縛之以功封越王哈喇哈斯力爭之曰祖宗之制非親王不得加一字封禿刺疏屬豈得以一日之功廢萬世之制哉不聽

豫王喇特納實哩越王圖喇子初封西安王

表作天歷元年封考

奉定帝初崩時已有西安王之號疑封年尚在前也

文宗天歷元年十二月進封

豫王賜南康路為食邑二年正月賜黃金印十一月以其有功並以其父越王圖喇印與之出鎮雲南至順元

年五月遣鎮西番賜金印

文宗至順二年四月紀曰中書省言越王圖喇在武宗朝以紹興路為食邑歲割賜本路租賦鈔四萬錠今其子襲王爵宜歲給其半從之

臣等謹按順帝至正十三年以喇特納實哩已為豫王其弟達爾瑪討賊有功以西安王印與之命鎮成格勒之地止言與印未言即封為西安王表於西安王位下亦無達爾瑪之名故不列

太祖次子察罕台大王位

察罕台即  
察合台

歲賜銀一百錠

緞三百匹綿六百二十五斤常課金六錠六兩五戶  
絲丙申年分撥太原四萬七千三百三十戶戊戌年  
真定深州一萬戶延祐六年實有一萬七千二百一  
十一戶計絲六千八百三十八斤江南戶鈔至元十  
八年分撥澧州路六萬七千三百三十戶計鈔二千  
六百九十三錠

喇特納實哩豫王天歷元年分撥江西行省南康路

靖遠王哈達

表作格藏

太祖之裔睿宗

睿宗為太祖第四子

第六子錫

里庫之後世祖至元二十七年正月賜塗金銀印

廣平王哈喇班第亦錫里庫之後

諸王表於廣平王位下止載二人無此人

名

幽王徹伯爾哈喇班第之子世祖至元二十年賜印

時僅

稱諸王

成宗大德八年十二月封威武西寧王賜金印十

一年進封幽王

進封事紀文不載今據表書

幽王納古爾徹伯爾之子

武宗至大元年十一月賜諸王納默古哩金印當即納古

爾先賜  
印也

襲父封

封年  
未詳

臣

等謹按諸王表云延祐七年襲封續弘簡錄亦

同今考仁宗皇慶二年六月紀已有幽王納古爾  
之文後亦屢見則其非遲至延祐七年襲封審矣  
故缺之又按明史洪武十三年五月濮英進兵齊  
勤站獲故元幽王額琳沁此當即徹伯爾納古爾  
之後但世系人名皆無可考

睿宗子實喇大王位歲賜銀一百錠緞三百匹五戶

絲丁巳年分撥彰德路二萬五千五十六戶延祐六年實有二千九百二十九戶計絲二千二百一十

定王永和爾太祖之裔睿宗第七子額呼布格之孫成宗大德三年正月封定遠王賜金印九年二月徙封威定王賜金印武宗至大元年六月進封定王賜金印

臣等謹按世系表額呼布格之子威定王玉木忽

爾紀文無考諸王表於威定王位下止書永和爾



疑即一人也第子與孫則互異

冀王博囉額呼布格之孫世祖至元十三年七月賜印

時尚稱諸王

成宗大德十年二月封鎮寧王賜金印仁宗延

祐四年閏正月進封冀王

世祖成宗仁宗紀  
世系諸王表

鎮寧王諾海亦額呼布格之孫武宗至大三年封

封年據諸王表紀文無考

魏王巴延

世系表作顏諸王表作羅

特穆爾亦額呼布格之孫

封年紀表

皆無考

太祖第四子睿宗子額呼布格大王位歲賜銀一百錠鍛三百匹五戶絲丙申年分撥真定路八萬戶延祐六年實有一萬五千二十八戶計絲五千一十三斤江南戶鈔至元十八年分撥撫州路十一萬四千戶計鈔四千一百六十錠

楚王伊克圖太祖之裔睿宗第八子博綽之孫世祖至元二十七年封鎮遠王賜塗金銀印成宗大德十一年

時武宗已即位

進封楚王賜金印

封鎮遠王事表作二十一年今從續弘簡錄

楚王圖烈特穆爾伊克圖之子武宗初襲封鎮遠王  
牙忽都薨仁宗命襲封楚王延祐中以明宗出封兵變  
事坐累徙西番明宗即位詔復封楚王

楚王巴圖爾圖烈特穆爾之子

封年  
無考

臣

等謹按牙忽都傳云巴圖爾薨其子雅克特穆

爾嗣封楚王時年十一諸王表中不載紀亦無考

附志於此

睿宗子博綽大王位歲賜銀五十錠緞三百匹五戶

絲丁巳年分撥真定蠡州三千三百四十七戶延祐  
六年實有一千四百七十二戶計絲六百一十二斤  
江南戶鈔至元十八年分撥來陽州五千三百四十  
七戶計鈔二百一十三錠

永寧王巴延穆爾太祖之裔睿宗第九子末哥之曾孫

封年  
無考

臣等謹按諸王表於永寧王位下書巴延特穆爾  
之名而缺其封年紀文中亦無可考惟英宗至治

三年七月有永寧王布木特穆爾為不法事當即此一人也

睿宗子默格大王位歲賜銀五十錠緞三百匹五戶絲丁巳年分撥河南府五千五百五十二戶延祐六年實有八百九戶計絲三百三十三斤江南戶鈔至元十八年分撥茶陵州八千五十二戶計鈔三百二十四錠

荆王伊蘇伯奇太祖之裔睿宗第十子蘇都勒格之後

泰定帝元年九月封荆王賜金印

荆王托克托穆爾蘇都勒格之後順帝至元元年閏十二月詔襲封荆王賜金印

臣等謹按世系表以托克托穆爾為蘇都勒格之

孫伊蘇伯奇為托克托穆爾之子諸王表於荆王位下先列伊蘇伯奇次列托克托穆爾俱無封年今考一在泰定帝時封一在順帝時封年分迥分先後則必托克托穆爾為伊蘇伯奇之子世系表

中誤為顛倒耳以他處無明文可據故統書作蘇都勒格之後又表中更列蘇和齊一人考托克托穆爾於至元元年受封而三年十一月又詔托克托穆爾襲托和齊荆王位而托和齊之封當在順帝至元之前可知矣又按順帝至正十四年五月有命荆王達爾瑪實哩鎮河西之事表中荆王位下無此人名世系表亦無之不可考其何系

睿宗子蘇都勒格大王位五戶絲壬子撥濟南等處

五千戶延祐六年實有五十戶計絲二十斤

河間王烏魯克岱太祖第六子科爾戩之後世祖至元二年二月賜印

臣等謹按諸王表云烏魯克岱至元二年封河間王世系表則又書河間王呼察二表不符考呼察為科爾戩之子呼察之子曰呼魯古岱當即烏魯克岱襲其父之河間王封者也呼察封事紀文無考故以烏魯克岱賜印之事為據



安定王托歡科爾戠之裔仁宗皇慶二年八月封賜金印

安定王多爾濟巴勒托歡之子

爵名見泰定二年紀封年無考

太祖第六子科爾戠太子子河間王位歲賜銀一百錠緞三百匹五戶絲丙申年分撥河間路四萬五千九百三十戶延祐六年實有一萬一百四十戶計絲四千四百七十九斤江南戶鈔至元十八年分撥衡州路五萬三千九百三十戶計鈔二千一百五十七

錠

右系出太祖

汾陽王拜特穆爾太宗第二子庫騰太子之孫仁宗延

祐四年閏正月封

表作七年疑誤

荆王伊蘇額布根汾陽王拜特穆爾之子

封年無考

臣等謹按此僅據世系表書之也諸王表荆王位

下列伊蘇伯奇托克托穆爾托和齊三人無伊蘇

額布根之名惟泰定四年紀有歧王索諾木哀布

訴荆王伊蘇額布根事稍有可徵第其時去伊蘇  
伯奇之封荆王不遠豈同時有二荆王耶

太宗子庫騰太子位歲賜銀一十六錠三十三兩鈹  
五十匹五戶絲丙申年分撥東京路四萬七千七百  
四十一戶延祐六年實有一萬七千八百二十五戶  
計絲三千五百二十四斤江南戶鈔至元十八年分  
撥常德路四萬七千七百四十戶計鈔一千九百九  
錠

靖遠王哈達襄寧王鄂爾和皆太宗第三子庫春太子

之曾孫

封年  
無考

襄寧王額布根庫春五世孫武宗至大二年封

續弘簡錄曰鄂爾和乃實勒們之孫太宗嘗撫實

勒們於宮中稱太孫定宗崩後皇后抱之聽政憲

宗立禁錮實勒們於摩多齊之地鄂爾和封襄寧

王從納顏叛大德十年來降至大二年以也不干

襲封

太宗子庫春太子位歲賜銀六十六錠三十三兩  
一百五十五匹五戶絲丁巳年分撥汴梁路在城戶至  
元三年改撥睢州五千二百一十四戶延祐六年實  
有一千九百三十七戶計絲七百六十四斤

汝寧王徹伯爾太宗第五子哈斯大王之孫仁宗延祐

二年四月

表作元年疑誤封

汝寧王鄂勒哲特穆爾徹伯爾之子

封年未詳

汝寧王呼喇台鄂勒哲特穆爾之子泰定元年襲封

此據

表書紀文有是年正月

賜諸王呼喇台金印事

太宗子哈斯大王位歲賜銀一十六錠三十三兩  
五十匹五戶絲丁巳年撥汴梁路在城戶至元三年  
改撥蔡州三千八百一十六戶延祐六年實有三百  
八十八戶計絲一百八十四斤

隴王呼魯蘇太宗第六子哈坦大王之孫武宗至大元  
年十二月封賜金印

太宗子哈坦大王位歲賜銀一十六錠三十三兩  
銀

五十匹五戶絲丁巳年分撥汴梁路在城戶至元三年改撥鄭州延祐六年實有二千三百五十六戶計絲九百三十六斤江南戶鈔至元十八年分撥常寧州二千五百戶計鈔一百錠

陽翟王圖們太宗第七子默呼大王之曾孫武宗至大元年九月封賜金印鎮北藩圖們傳庫春庫春傳太平

太平世系表作阿雅噶齊之子充滿之姪弘簡錄亦作圖們子當是表誤 太平於泰定元年

襲封

此據表書紀於是年亦有賜金印事

泰定崩後黨附都爾蘇以戰被

誅特穆爾齊襲封陽翟王

特穆爾齊世系表作庫春之子人名亦見至順二年紀

陽翟王阿勒呼木特穆爾默呼之裔於特穆爾齊後襲

封

世系表中載至特穆爾齊而止弘簡錄云距太平順又三世也不知是特穆爾齊之子否封年必無可考

帝至正二十年以叛逆伏誅

陽翟王呼圖克特穆爾阿勒呼木特穆爾之弟順帝至

正二十一年襲封

太宗子默呼大王位歲賜銀一十六錠三十三兩緞

五十匹五戶絲丁巳年分撥汴梁路在城戶至元三



年改撥鈞州一千五百八十四戶延祐六年實有二千四百九十六戶計絲九百九十七斤

右系出太宗

大名王定宗幼子

見耶律希亮傳失其名餘俱無考

臣等謹按耶律希亮傳曰世宗中統二年希亮以

避亂逃至密里城乃定宗潛邸湯沐之邑也時以皇后之妹主后政三年定宗幼子大名王閔其不能歸遺以幣帛鞍馬乃從大名王至呼濟爾之地

大名王不知何年封號世系表定宗止有三子其  
第三者曰朮忽大王豈即大名王歟

南平王圖魯定宗第三子和和大王之子世祖至元九  
年封賜金印

右系出定宗

衛王鄂勒哲憲宗第三子玉隆哈寶之子成宗元貞二年  
七月賜印時尚稱諸王大德九年二月封衛安王賜金印武

宗至大三年五月進封衛王

臣等謹按順帝紀至元二年七月賜衛王庫春格爾衛輝路為食邑至正十一年亦有此人名而世系諸王二表皆無之不知即鄂勒哲之裔否並不  
可辨其為同異姓矣

鄭王齊齊克圖鄂勒哲之子英宗至治二年十二月封武寧王授金印泰定元年七月命襲其父鄂勒哲所部仍給故印泰定帝崩後齊齊克圖附於明宗文宗至順二年正月以淮安路之海寧州為其食邑二月改封鄭

王賜以金印寧宗即位又賜以朐山贛榆沐陽三縣

紀文

於三縣上冠以海寧州名當即其屬縣也

命出鎮遼陽順帝至元二年四月

詔以太平路為其食邑五年為太師巴延構陷死

臣等謹按齊齊克圖之名同時有相近者二人一

為此齊齊克圖一為世祖子寧王庫庫楚之子寧

王色辰圖紀文中隨時紀載乍閱殊難分晰續弘

簡錄不載庫庫楚之子事而於此齊齊克圖傳內

則書延祐七年封寧遠王至治二年改封武寧王

入朝請印帝不允泰定元年賜永福縣戶若干為食邑至順時改封郅王今細檢元史頗彰其誤考

寧王庫庫楚薨於皇慶二年延祐七年四月

時英宗已

即位紀書封諸王齊齊克圖為寧遠王不言賜印至

至治三年七月齊齊克圖入朝請印帝不允蓋寧

王庫庫楚有謀逆之事故於其子賜印亦甚慎重

若此即為後封郅王之齊齊克圖則至治二年封

武寧王時已賜金印矣何煩重請為耶泰定元年

三月書賜諸王齊齊克圖永福縣戶時僅稱諸王  
與後至順二年書以淮安路海寧州為武寧王齊  
齊克圖食邑書法不符則邵氏之誤以庫庫楚之  
子為此齊齊克圖審矣又諸王表於寧遠王位下  
書齊齊克圖延祐七年封寧遠王與紀文合又云十  
一年進封寧王既脫去年號而延祐七年之後惟  
順帝至正始有十一年考是年紀亦無封寧王之  
文又書薛徹禿皇慶二年由寧遠王進封與延祐

七年封寧遠王之文大相刺謬仁宗英宗紀文皆無可據則表之誤明甚今亦附為辯正於此

河平王錫里濟

紀作習  
怯吉

憲宗第四子世祖至元五年六

月

表作四  
月誤

封賜駝紐金印同北平王諾木歡出鎮阿力

麻里之地劫北平王以叛十九年為諸王色埒默所執又為元帥李庭等襲擒被誅

并王鴻和特穆爾錫里濟子仁宗延祐五年二月

表作  
四年

封嘉王賜印泰定帝二年六月改封并王文宗至順

三年三月賜安陸府為食邑

是年紀作鴻和爾布哈

順帝至元元

年以謀逆自殺

撫寧王徹爾特穆爾鴻和特穆爾之子順帝至正二年

十二月

弘簡錄作至元六年與史不符封

臣等謹按諸王表無撫寧王國號而於嘉王位下

又有和爾和之名世系表鴻和特穆爾之子

有嘉王火

兒忽等三人

亦無徹爾特穆爾考撫寧王封事見於順

帝紀而和爾和封嘉王事紀既不見諸王表亦不



載受封之年故附誌於此

睿宗長子憲宗子烏蘇台大王位歲賜銀八十二錠  
緞三百匹又泰定二年鴻和特穆爾大王改封王增  
歲賜銀一十錠班禿大王銀八錠五戶絲癸丑年查  
過衛輝路三千三百四十二戶延祐六年實有二千  
二百八十戶計絲九百一十六斤

臣等謹按烏蘇台為憲宗第二子世系表內不載其有嗣  
班禿乃憲宗長子亦無嗣當日歲賜之物大約付

其憲宗系下族人或其妃配耳志又言泰定三年明里忽都魯皇后位下添歲賜中統鈔一千錠銀五十匹絹五十匹此蓋守巴圖營帳者

右系出憲宗

燕王真戩世祖第二子中統三年封

餘詳帝系考

臣等謹按封燕王事元史於中統二年三年十二

月複載續弘簡錄則專書在三年

晉王噶瑪拉世祖之孫裕宗之長子

燕王真戩追尊為裕宗

世祖

至元二十七年正月封梁王賜金印出鎮雲南二十九年進封晉王移鎮北邊更給晉王金印成宗大德六年

正月薨

餘詳帝系考

臣等謹按故事諸王皆置傳世祖以晉為太祖肇

基之地視諸王有加特置內史以寵之後泰定帝

襲封晉王時尚有以晉府內史而封公者

梁王松山世祖曾孫顯宗長子

晉王噶瑪拉追尊為顯宗

世祖至

元三十年

時噶瑪拉已進封晉王

詔皇曾孫出鎮雲南以皇孫梁

王印賜之武宗至大二年有風疾命老的罕代鎮其地

梁王王禪松山子延祐七年五月

時英宗已即位

封雲南王往

鎮其地

以代婁達罕故封雲南王

泰定帝元年十月徙封梁王食邑

益陽州六萬五千戶泰定崩後王禪附丞相都爾蘇上

都破後賜死

雲南王特穆爾布哈旺沁子泰定元年十月

時旺沁徙封梁王

命襲封雲南王賜金印旺沁賜死後流於吉陽軍

相寧王德勒格爾布哈世祖曾孫顯宗第三子大德十

一年七月

時武宗已即位

封北寧王至大四年四月

時仁宗已即位

改

封湘寧王賜金印食邑湘鄉州寧鄉縣六萬五千戶

湘寧王巴拉寶哩德勒格爾布哈之子至治三年襲封

是年十二月

時泰定已即位給印

襲封之文惟據表書紀於十月賜印尚稱諸王襲封當

在此月也

泰定元年三月命出鎮察罕諾爾泰定崩後以兵

應上都兵敗被執

裕宗長子晉王噶瑪拉位歲賜緞一千匹絹一千匹

又多爾濟延祐元年為始年例支中統鈔一千錠五

戶絲庫庫布哈所管益都二十九戶江南戶鈔皇慶

元年分撥南康路六萬五千戶又德勒格爾布哈湘

寧王分撥湘鄉縣六萬五千戶計鈔二千六百錠

魏王阿穆爾克

二表俱作魏王紀與弘簡錄皆作衛王

世祖之曾孫裕宗

之孫順宗之長子

封年未詳

仁宗皇慶元年正月賜慶元路

定海縣六萬五千戶為食邑延祐五年以罪貶高麗後

徙大同泰定元年詔還薨

西靖王阿魯阿穆爾克子文宗至順元年九月封

魏王博囉特穆爾阿穆爾克子

封年  
無考

順宗子阿穆魏王位江南戶鈔皇慶元年分撥慶元  
路六萬五千戶計鈔二千六百錠

秦王莽噶拉世祖第三子至元九年十月封安西王統  
河西土番四川諸處賜京兆為分地十年進封秦王佩  
金印二至十七年薨

安西王阿南達莽噶拉子世祖至元十七年襲封成宗  
崩後無子皇后布爾罕將以阿南達繼統文宗入平內

難執之賜死

世祖至元二十四年十二月僧格言先是皇子莽噶  
拉封安西王置王相府後封秦王綰二金印今嗣王  
阿南達仍襲安西王印弟諳達布哈別用秦王印其  
下復以王傳印行一藩而二王於制非宜詔以阿南  
達置為安西王仍置王傳而上秦王印諳達布哈所  
署王傳罷之至成宗元貞二年安西王傳請立王相  
府帝曰去歲阿南達已嘗面陳朕諭以世祖定制今



復奏請豈欲以四川京兆悉為彼有耶今姑從汝請  
惟許行傳事

臣等謹按元代諸王每得開邸置傳其蒙恩深厚  
者則置王相府具載紀文考中不及備書採此一  
事其他可推矣

安西王伊魯特穆爾阿南達之子至治三年九月時泰定帝

已即位襲封文宗至治三年四月以謀逆誅

世祖次子安西王莽噶拉位歲賜緞一千匹絹一千

匹江南戶鈔至元十八年分撥吉州路六萬五千戶  
計鈔二千六百錠

北安王諾木歡

亦作諾  
摩罕

世祖第四子至元三年六月封

北平王以印給之建幕庭於和林北阿里瑪圖之地十  
四年為叛王錫里濟所刼改封北安王二十一年三月  
自北邊歸朝賜螭紐金印二十三年三月以臨江路為  
分邑成宗大德五年薨

臣

等謹按弘簡錄云十九年改封考二十一年三月

紀尚書北平是年閏五月乃書賜北平王印恐卻氏有誤

世祖次子北平王諾摩罕位歲賜緞一千匹絹一千匹江南戶鈔至元二十二年分撥臨江路六萬五千戶計鈔二千六百錠

雲南王和克齊世祖第五子至元四年八月封賜馳紐金鍍銀印遣鎮大理等處八年二月大理等處宣慰都元帥寶合丁與王傅庫庫岱毒殺之

臣等謹按和克齊薨於八年而十七年十月紀又書賜雲南王和克齊印其誤顯然表云十七年額森特穆爾襲封或此時賜印而誤書和克齊名耳然二十五年紀又有賜塗金駝紐印事十七年賜印又疑未的矣

營王額森特穆爾和克齊子世祖至元十七年襲封雲南王

此據表書紀文不載

二十五年賜塗金駝紐印命帥兵鎮大

理等處武宗至大元年正月進封營王

表作大德十一年與紀異

仁

宗皇慶元年二月賜福州路福安縣一萬三千六百有四戶食其歲賦泰定帝四年出鎮北邊

梁王巴咱爾幹爾密雲南王和克齊之裔封梁王

封年無考

鎮雲南元亡後明太祖遣王禕諭降為梁王所殺洪武

十四年傳有德下普定王走普寧州自經

明史巴咱爾幹爾密傳

世祖次子雲南王和克齊位歲賜銀五十錠折鈔一

千錠緞匹物料折鈔一千六百五十六錠江南戶鈔

皇慶元年分撥福州路福安縣一萬三千六百四戶

計鈔五百四十四錠

西平王鄂囉齊世祖第七子

封年未詳

至元六年十月賜馳

紐金鍍銀印

時尚稱諸王則封西平當在此時

九年正月命征建都蠻

鎮西武靖王特穆爾布哈鄂囉齊子成宗大德元年三

月封賜駝紐金鍍銀印

雲南王羅丹特穆爾布哈子武宗至大二年三月以梁

王在雲南有疾命羅丹代鎮賜駝紐金印

鎮西武靖王綽斯本特穆爾布哈子

王名見文宗天歷二年正月紀襲封之年無考

臣等謹按世系表有羅丹之子豫王喇特納寶哩  
與太祖系下越王圖喇之子名爵皆同諸王表於  
豫王位下止載一人乃圖喇之子此世系表中所  
列當有誤故不列

西平王巴特瑪德沁鄂囉齊之子

封年  
無考

世祖次子西平王鄂囉齊位歲賜緞匹物料折鈔一  
千六百五十六錠銀五十錠折鈔一千錠江南戶鈔  
大德七年分撥南恩州一萬三千六百四戶計鈔五

百四十四鉉

寧王庫庫楚世祖第八子至元二十六年十二月封寧

遠王大德十一年

時武宗已即位

封寧王賜龜紐金鍍銀印以

清州為食邑武宗至大三年二月謀不軌詔徙高麗仁

宗皇慶元年賜還二年正月薨

寧王齊齊克圖庫庫楚之子延祐七年四月

時英宗已即位

封

寧遠王至治三年七月入朝請印帝以其政績未著不

允泰定帝元年賜永福縣戶一萬三千六百為食邑後



進封寧王

英宗泰定紀年  
世系滿王表

臣等謹按續弘簡錄誤以此齊齊克圖事屬之郊

王徹徹禿已詳前按內

寧王阿都齊庫庫楚之子泰定帝三年七月封綏寧王  
給金印後進封寧王

臣等謹按齊齊克圖與阿都齊二人之封寧王事

紀文皆無可徵齊齊克圖進封之年表雖書之而  
多誤已附見郊王條下按內至阿都齊進封之年

表亦不載今姑據世系諸王二表載之無可詳考  
又順帝至正十三年十二月紀書寧王蘇默格爾  
還大鄂爾多賜物疑亦為庫庫楚之後二表俱無  
更不可考

世祖次子平遠王庫庫楚位

平遠疑寧遠之訛

歲賜鍛匹物

料折鈔一千六百五十六錠銀五十錠折鈔一千錠  
江南戶鈔泰定元年分撥永福縣一萬三千六百四  
戶計鈔五百四十四錠

鎮南王托歡世祖第九子至元二十一年閏五月封賜  
塗金銀印駐鄂州七月詔征占城後引兵還二十八年  
二月移鎮揚州大德五年薨

弘簡錄曰托歡征占城道出安南為交兵所敗世  
祖怒其辱國終身不許入朝

鎮南王婁章托歡子成宗大德五年襲封封年見諸王表鎮南

王圖卜布哈亦托歡之子表作婁章子誤老章薨後襲封封年未詳

王名見至治二  
年十二月紀  
泰定帝二年十二月薨

淮王特穆爾布哈亦托歡子泰定三年十一月封時圖  
卜布哈已薨而其子博囉布哈幼故代襲爵及博囉布  
哈長特穆爾布哈固請還爵文宗天歷二年十二月改  
封宣讓王賜金印移鎮廬州順帝至元五年已延矯制  
貶之至正元年三月托克為相言其無罪給還宣讓王  
印二十七年進封淮王賜螭紐金印順帝北奔留命監  
國城破殉難

鎮南王博囉布哈圖卜布哈子文宗天歷二年四月襲

封鎮揚州

威順王庫春布哈托歡之子

表作婁章子誤

泰定帝三年正月

封鎮湖廣賜螭紐金印順帝至元五年巴延矯制貶之  
至正初托克托言其無罪命復還鎮後以兵敗至成州  
而歿

臣等謹按庫春布哈傳言其鎮湖廣時湖廣行省

歲供米三萬石鈔三萬二千錠又日給王子諸妃  
飲膳此大約出鎮諸王中供億繁者也

義王和尚庫春布哈子順帝時封京城將破遁走不知所之

文濟王曼濟亦托歡之子順帝元統二年四月封詔鎮大名至元二年十二月賜螭紐金印

臣等謹按順帝至正十三年八月命布哈特穆爾襲封文濟王考世系諸王表中皆無此人以襲封事論之當為蠻子之子

安德王布達實哩亦托歡之子仁宗皇慶元年二月賜

福州路寧德縣戶一萬三千六百有四食其歲賦二年  
十月封安德王

臣等謹按王名紀作安德世系表作宣德弘簡錄  
亦作宣德諸王表於金印螭紐內列宣德王於金  
印駝紐內列安德王皆云不答失里皇慶二年封  
當有重列之誤考後至元元年又有封太保中書  
平章政事昂珠為宣德王事表失載其名故此處  
王名竟從紀作安德

世祖次子鎮南王托歡位歲賜銀五十錠緞匹物料  
折鈔一千六百五十六錠江南戶鈔皇慶元年分撥  
福州路寧德縣一萬三千六百四戶計鈔五百四十

四錠

世祖長子多爾濟太子位腹裏江南無分撥戶

世祖次子阿雅噶齊大王位歲賜銀五十錠折鈔一  
千錠緞匹物料折鈔一千六百五十六錠江南戶鈔  
皇慶元年分撥仰武路光澤縣一萬三千六百四戶



計鈔五百四十四錠

世祖次子和塔拉特穆爾太子位歲賜銀五十錠折鈔一千錠緞匹物料折鈔一千六百五十六錠江南戶鈔皇慶元年分撥泉州路南安縣一萬三千六百四戶計鈔五百四十四錠

臣等謹按以上三大王皆無國邑封號今附錄於此

右系出世祖

順陽王烏魯斯布哈仁宗子延祐二年封安王七年七

月

時英宗已即位  
表作十年誤

降封順陽王尋被殺

右系出仁宗

晉王巴特瑪雅爾藏布泰定帝子泰定元年三月嗣封

泰定由晉卽繼  
統故曰嗣封

天歷元年薨於上都

右系出泰定帝

燕王喇特納達喇文宗子至順元年三月封

餘見帝  
系考

右系出文宗

臣等謹按以上世系皆合紀表所書而確有可徵者也外此或紀或表偶見封爵人名竊疑其當爲某帝之系而無可互証者如天歷二年幽王和塔拉默色遼王雅爾實哩至正十三年襲封文濟王之布哈特穆爾以及諸王表中嘉王和哩呼紀中衛王庫春格爾廣寧王呼圖克特穆爾寧王蘇默格爾諸人俱已因類附見於前其餘紀中所刻或諸王表有而世系表無者或二表俱無之者僅據

史文書之其中有疑為同姓者則附於同姓之後

亦有不辨其為同異姓者

元時宗室駙馬統稱諸王不可以諸王之稱斷為同

姓則附於異姓之後如肅遠王特穆爾布哈以下

所列是也又按元時諸王專以印章為重輕故有

雖無國邑而曾賜印者較之未賜印之諸王又為

稍貴如世祖中統三年四月賜諸王伊蘇克金印

烈祖子柴濟薩哈勒之子表云金印螭紐

至元二年七月給諸王伊

蘇布哈印

烈祖子伯勒格台之子與太宗子庫騰之孫皆有此名不知為誰表作金印駝

組

賜諸王玉隆哈實印

憲宗之子表作金印駝紐

三年二月以

衛輝路為其分地七年七月賜諸王巴爾達噶印

世系無考不知同異姓表作金鍍銀印駝紐

十三年四月賜諸王圖魯

金印

世系無考諸王表無

十七年五月賜諸王伯奇特穆爾

銀印

世系無考不知即仁宗時封汾陽王之拜特穆爾否表作銀印龜紐

二十二年

十一月賜皇子阿雅噶齊銀印

世祖第六子諸王表無

二十

八年正月給諸王阿雅噶齊印

此非世祖子考太宗子默噶之曾孫

有曰阿雅噶齊大王當即此但恐世次太遠又烈祖子特默格鄂齊錦之孫有兩阿雅噶齊或是此

二人中之一止多一  
哈字耳諸王表無

成宗大德四年正月賜諸王

達實特穆爾金印

世系無考表云金印駝紐

四年四月賜諸王

額默根添金印

賜印事表不載

五年七月額默根薨以其

子帕克巴拉嗣

此太祖子科爾戡之曾孫也世系表以也減干帕克巴拉列作兄弟

據此可訂其誤又諸王表云帕克巴拉延祐元年賜金印駝紐紀文不載

泰定帝元年

正月賜諸王

克實特穆爾金印

世系無考表云金印駝紐

文

宗至順元年五月賜諸王托歡金印

世系無考托歡之名甚多

不知為誰諸王表無賜印事

順帝至正十四年十一月賜親王

諾木達實金鍍銀印

世系無考親王必為宗室疑為太祖子察罕台之曾孫阿

南達實里王也諸王表無之

以上皆紀中所列者也又諸王表

所列而紀文不載者則有延祐二年鄂羅木烏遜

王四年察必達爾王

列在金印駝紐世系皆無考

又旺丹大王

世系無考特穆爾大王

烈祖子伯勒格台之曾孫有是名不知是否

拜特穆爾

大王

睿宗子末哥之孫

博囉齊大王

太宗子庫春之孫以上皆列在金鍍銀印

駝紐又有阿古特穆爾王

世系無考鄂勒哲額布根王

定宗

子呼察之子有

此名不知是否納默古哩大王

世系無考哈必濟大王

世系無考世祖紀至元三年十二月有賜巴拜諸王哈必濟行軍印事恐專為行軍而設

大王延祐四年詔以世祖所賜印賜其子哈布爾

特穆爾王

此太祖子科爾戩之四世五世孫也

和塔拉特穆爾王

世祖

第十子以上皆列在銀印龜紐類

以上皆表中所列而紀不書者

也統為類敘於此以見當時封爵之制度等差云

爾

肅遠王特穆爾布哈世祖至元二十八年二月以諸王

封賜印



臣等謹按此諸王表有世系表無無可詳考太祖系察罕台之孫有特穆爾布哈王不知即此人否也

鎮東王額森特穆爾世祖至元二十八年封

臣等謹按此僅見諸王表餘無可考表中僅稱至元亦不云是世祖之至元然順帝時所封表中往往不列則此必世祖時可知也此人疑其為同姓

靖安王扣布哈泰定四年正月封

諸王表有出鎮陝西文

宗天歷初據陝西以叛尋即降服順帝至正十五年六

月薨

降服事見阿爾哈雅傳

無後命其姪襲封十六年二月以滿

滿為靖安王

諸王表無

賜金印

西平王巴勒瑪爾西平王袞布巴勒

臣等謹按巴勒瑪爾僅見於表而紀文無考管不

八僅一見於文宗至順二年三月紀文此豈皆世

祖子西平王鄂囉齊之後裔歟又順帝至元三年

七月有賜袞布巴勒西平王印事諸王表並無其

名更不可考

威武西寧王阿哈瑪特

封年無考

其子伊爾格齊順帝元統

二年五月詔襲其父爵

臣等謹按世系諸王二表皆無考睿宗子錫里庫

之裔幽王徹爾伯先封威武西寧王後進封幽王

此豈其後裔歟

雲南王阿魯順帝元統二年五月命鎮雲南

臣等謹按此世系諸王二表皆無豈世祖子鄂羅

齊後雲南王婁達罕之裔歟

吳王綽斯戡

見順帝至元二年六月紀

吳王綽斯戡

見至正十三年六月紀

臣

等謹按此世系諸王二表皆無之豈烈祖子和

實哀後吳王瑪納濟諸人之苗裔歟二人名音相近或即一人未可知也

又按二人封年紀文無考綽斯戡見至正十三年六月有賜金銀鈔幣事當是時有奸臣綽斯戡者曾從托克托平徐州後於十六年拜丞相十八年

加太保詔封其曾祖李曾海為雲王祖額森布哈

為瀛王父額琳沁為冀王

追封三代王  
事見本傳

而綽斯戩

之本身紀傳皆無封號竊疑其三代既追封自身  
應亦受封或即是此吳王但紀傳皆無可據不敢  
臆斷弘簡錄亦無可考且號為奸臣則或為異姓  
未可知也

西寧王英實順帝至正十二年二月命鎮四川

臣等謹按此世系諸王二表皆無順帝紀文中有

時或稱寧王豈其為西寧王阿爾達勒默色與斯隆瑪之後裔歟或為寧王庫庫楚諸人之後裔歟皆不可詳考

益王呼圖克特穆爾

見順帝至正二十五年十月紀餘無可考

臣等謹按此世系表無諸王表並無益王名位不可詳考疑其為益王邁努之裔

異姓封爵

臣等謹按王圻續通考所載元代異姓封建之事

追封者十居六七考元史選舉志正從一品例封  
贈國公二品例封贈郡公三品例封贈郡侯凡追  
封之勲爵官階每與易名之制並行非可以云封  
建今已全為刪去止以生前錫爵者為斷但元自  
世宗以前開國佐治之臣垂名汗簡者指不勝計  
特以時方用武典禮未暇舉行故往往僅襲萬戶  
總管達魯噶齊之類而無國邑封號及成宗武宗  
而後始追贈王公之爵今因不敘追封故凡如博

爾濟耶律楚材察罕史天澤張弘範廉希憲劉秉忠之儔姓名皆不列於考內或有於其子孫封爵之事一為追述否則竟缺焉後之欲考有元一代之開國名臣者固自有全史在也其一門之內子孫相繼襲爵者皆從類列以便檢閱不以受封之先後為分至色辰一門雖本因有功故世為外戚之選然自阿禪之後其子孫亦未見有冠世之勲故直列之外戚云



國王穆呼哩姓札拉氏事太祖以忠勇稱十二年八月  
詔封太師國王都行省承制行事賜大駕所建九旂大  
旗以出號令又賜誓券黃金印曰子孫傳國世世不絕  
十八年三月卒於軍

穆呼哩卒子博囉襲博囉卒子塔斯襲塔斯卒其子

蘇都爾幼以其弟

博囉次子

蘇肯徹爾襲蘇肯徹爾卒子

和爾齊襲蘇都爾既長別賜民三千戶為食邑得建  
國王旗幟以五品印七品印賜其家臣置官屬如列

蘇都爾卒子呼塔噶襲呼塔噶卒子呼圖克特穆爾

襲呼圖克特穆爾卒子寶格襲寶格卒子道通襲又

博囉之子曰巴圖爾其子曰和通亦襲國王又穆呼

哩五世孫奈曼台之父和斯和哩亦嗣國王又穆呼

哩六世孫多爾濟

多爾濟為蘇肯徹爾之孫托克托之子

亦於文宗天

歷二年襲國王先是天歷元年嗣國王多囉台

附見多爾

濟傳當是和斯和爾之子以附大都兵被誅故多囉台襲爵至順

帝至元四年朶羅台弟奈曼台賄太師已延奪其爵

至正九年復為國王十五年多爾濟卒子阿木喀實

哩襲

其中承襲世次每有不能細考者奈曼台以先受郡王封故別列於後

又穆呼哩

之弟曰岱遜者為郡王無傳不可詳考

國王奈曼台穆呼哩五世孫文宗至順元年知嶺北行  
樞密院事封宣寧郡王賜金印鎮北邊順帝至元三年  
詔襲國王賜金印至元八年卒

臣等謹按自穆呼哩至多爾濟生前皆止稱國王

其稱魯國王魯王及東平郡王魯國公者皆薨復

追贈之名也續弘簡錄於太祖十二年丁丑八月  
即書封穆呼哩魯國王似為小誤

又按廉希憲傳世祖至元十一年以嗣國王特訥  
克行省遼陽擾民不便命希憲往代之又洪奇俊  
傳至元六年高麗權臣林衍叛詔以其軍三千從  
國王特訥克討平之嗣國王之稱惟見於穆呼哩  
之子孫者為多而並無特訥克之名不知其為何  
族矣附志於此

遼王耶律瑠格契丹人當太祖癸酉年遼東未定衆推瑠格為王以其屬耶廝不為郡王乙亥年與其子色微入覲太祖仍封為遼王自瑠格納款後遼東反覆伊實布金山通古喊舍四人遞相僭號至己卯春瑠格復定之庚辰年卒

臣等謹按瑠格之為遼王本由衆人推立太祖紀言其改元元統傳不載至伊實布僭稱帝號改元天威金山又自稱國王改元天德似非元初所能

臣屬然瑠格仗義納款不從稱帝之請挈子入覲  
時曾賜金虎符仍命為遼王則其臣服於元可謂  
無貳心者故据元史列傳載之又本傳載其後太  
祖命其子色徹為第三千戶凡其子孫襲爵當是  
千戶而非其舊封明矣

濮國公耶律圖爾哈遼之故族與其兄阿哈由金歸元  
封圖爾哈為太傅濮國公

邵國公舒穆魯明安桓州人由金歸元元破金中都加

太傅邵國公丙子年卒

郡王孟克姓莽畏氏父鄂約達爾太祖時以戰死太宗思其功故以北方萬戶封其子為郡王丙申年授

泰安州民二萬戶為食邑孟克卒

此當是鄂約達爾孫非孟克之

孫珠爾爾噶岱奇塔特魯斯呼圖克烏納和囉噶齊俱

襲封為郡王又鄂約達爾之五世孫尼瑪僧格亦襲郡王

德清郡王奇塔特姓鄂爾和達氏卓沁台之子自太宗

及世祖歷事四朝以勞封德清郡王賜金印丙申年賜  
德州戶一萬為食邑世祖至元十八年增食邑二萬一  
千戶肇慶路連州德州洎屬邑皆隸焉奇塔特卒其子  
都沁襲爵

奇塔特二子曰都沁曰哈達哈三子曰托歡曰額琳  
沁巴勒曰慶通托歡二子曰達實特穆爾曰托迪達  
實特穆爾一子曰推勒布哈自奇塔特而下凡九人  
皆封郡王



臣等謹按成宗紀元貞二年六月書郡王慶通有疾以其子伊埒布哈化之不知即此九人中之慶通否伊埒布哈之名傳又不載無可詳考

蔡國公張彖易州定興人

弘畧弘範皆其子

自金來歸戰功最

多官至順天等路萬戶世祖中統二年請致仕封安肅公至元四年進封蔡國公五年卒

濟南公張榮濟南歷城人有戰功官濟南萬戶世祖中統二年封致仕卒

鄂國公史弼一名塔爾琿蠡州博野人成宗元貞三年  
官至平章政事封

秦國公托克托大德十一年八月

時武宗已即位

官御史大夫

封

見武宗紀餘無可考

鄆國公特們德爾大德十一年十月

時武宗已即位

官御史大

夫封

見武宗紀餘無可考

句容郡王綽和爾其先欽察國人從武宗

時未即位

與海都

戰勝尚雅蘇圖楚王公主察球爾武宗即位由知樞密

院事封容國公賜金印至大二年加封句容郡王改賜

金印

仁宗紀延祐三年六月重書封綽和爾為句容郡王誤

英宗至治二年卒文

宗天歷二年正月以其子達朗達賚

傳止作達賚今從紀

襲封句

太平王雅克特穆爾綽和爾第三子泰定帝崩後定策

迎明宗文宗文宗即位封太平王加達爾罕之號子孫

世襲以太平路為其食邑賜黃金印卒後順帝元統元

年命其子騰斯吉襲太平王旋以謀逆誅

榮王薩敦亦綽和爾子順帝元統元年十月官中書省

臣等謹按綽和爾曾尚主雅克特穆爾其女為順  
帝后然綽和爾所尚主公主表不載當是疎屬雅  
克特穆爾文宗時已有大功非由后父錫爵故不  
列入外戚門也以下秦王巴延一門亦同此例

淇陽王伊徹察喇國初功臣博爾濟之曾孫武宗初命  
為和林等處行中書省右丞相太師封淇陽王至大三  
年以清州民戶萬七千九百一十九為其食邑賜黃金  
印四年卒

臣等謹按仁宗紀皇慶元年正月授太師錄軍國  
重事知樞密院事托里濟延開府儀同三司嗣淇  
陽王未知即伊徹察喇子否又泰定帝即位之年  
九月紀文有淇陽王額森特穆爾之名亦不知是  
其子否又按至大元年淇陽王伊徹察喇請置王  
傅中書省謂異姓王無置傅例不許此可以見元  
時同異姓王之制

康國公阿實克布哈本康里國王族也武宗時官中書

右相行平章政事至大元年三月封康國公二年卒

應國公庫春西土人武宗入平內難拜平章政事加特

進應國公

賓國公希沙武宗至大元年四月封

以下皆見武宗紀餘無可考

魏國公嘉琿武宗至大元年四月官平章政事授太子

太保太尉平章軍國重事封至正二年九月為江南行

省所劾奪爵

楚國公三寶努武宗至大元年四月封渤海國公六月加

錄軍國重事中書右丞相改封應國公三年五月又改  
封楚國公以常州路為分地仁宗即位尚書省言其變亂  
舊章伏誅

義國公托克托武宗至大三年十一月官太師錄軍國  
重事封仁宗即位尚書省言其變亂舊章伏誅

宣寧王特穆爾布哈至大四年四月時仁宗即位官知樞密

院事封賜龜紐銀印

安遠王伊蘇丹至大四年六月時仁宗即位封懷仁郡王賜

銀印後進封安遠王

臣等謹按伊蘇丹進封之文紀表皆不載然仁宗

紀皇慶二年七月有安遠王伊蘇丹之名其去至大

四年僅二年耳名既相同同年亦相近其為一人無疑

永豐郡王博囉至大四年六月

時仁宗已即位

官樞密使封澤

國公皇慶元年二月進封永豐郡王

臣等謹按紀中雖無進封之文然同在一時當為

一人可知表於永豐郡王位下亦有博囉名但不



云何時封

又按安遠王與永豐王皆曾為特色辰之裔綽哈所封爵且其封亦在皇慶元年不應同時有二安遠王是不可解伊蘇丹與博囉或亦是綽哈之族皆無可考

趙國公穆蘇至大四年十一月

時仁宗已即位

由司徒封見仁宗紀

餘無

可考

泰國公溫普至大四年十二月

時仁宗已即位

由宣政會福使封

臣等謹按百官志宣政院掌釋教僧徒及吐番之境其用人則軍民通攝僧俗並用至元初立總制院領以國師後更名宣政又有大禧宗禋院掌享祀典禮天歷時罷會福殊祥二院改置大禧院志雖不言僧俗並用而二院職守相通當亦兼用緇衣也考世祖至元三十年二月從阿喇布丹燕公楠之請以嘉木揚喇勒智子宣政使溫普為浙江行省此時所封當即其人考中於僧人封爵概不

載入而此由居官得封故仍為列之且以見一時  
用人之制其由徽政院等官得封者恐尚有僧人  
不可得而詳辨矣

韓國公李益潞州上黨人仁宗初官中書平章政事封  
泰國公授以印章皇慶二年奏還國公印延祐二年改  
封韓國公英宗初立為太師特們德爾所構盡收前後  
封拜制命降授集賢侍講至治九年卒

臣等謹按此據本傳載之也仁宗紀止書封泰國

在卽位之  
年七月

不載改封韓國至英宗紀書奪李孟所

受秦國制命亦無韓國字蓋紀視傳多踈畧矣

廣平王穆哩庫阿爾拉氏國初功臣博爾濟之曾孫仁  
宗皇慶元年四月知樞密院事封文宗天歷二年十二  
月毀廣平王穆哩庫印命喀巴代之更鑄印以賜順帝  
至元三年以穆哩庫子阿魯圖為中書右丞相襲封廣  
平王卒無後嗣

臣等謹按博爾濟於太祖時賜廣平路一萬七千

三百有奇為分地故其子孫為廣平王然自博爾  
濟與子博囉台孫伊實特穆爾皆於薨後追封廣  
平王而生前止襲萬戶博爾濟傳末亦止書穆呼  
庫仍襲爵為萬戶則身膺廣平之封者其必始於  
皇慶初可知矣喀巴當亦博爾濟之裔但傳中無  
考諸王表於廣平王位下書穆哩庫駙馬考穆哩  
庫並無尚公主事而公主表趙國公主有下嫁郇忠  
襄王摩和納者表以其名相似而訛作廣平王穆

哩庫駙馬王圻續通考遂以外戚封事中列之且作天歷二年封無稽甚矣又英宗紀即位之年六月書收圖塔哈廣平王印考博爾濟呼喇珠之弟托琳曰托克托呼為御史大夫當即此人而亦曾襲爵故有收印之事特傳中不載耳又順帝紀至正十三年九月以集賽官廣平王約約征討慢功削其王爵當亦即其族屬也

河南王布琳濟達仁宗皇慶元年官河南行省丞相封

臣等謹按仁宗紀延祐元年六月書封河南省丞相布琳濟達為河南王而王約傳曰皇慶改元約奏河南行省丞相布琳濟達勲閥舊臣不宜久外召至封河南王郝天挺傳亦載之在皇慶二年之前則紀文之誤明甚故從傳

趙國公常布呼齊仁宗皇慶元年三月由同知徽政院使封

吳國公伊克穆蘇輝和爾人世祖時屢奉使招諭海外

諸國家居仁宗念其勞詔封之

秦國公阿錫葉西域蒂林人成宗大德時為平章政事

仁宗時封

仁宗紀不載以也里牙封事論之疑當在前

尋卒皇慶元年正月

以其子崇福使阿里雅為秦國公

臣等謹按文宗至順元年正月以太醫院使阿里

雅封秦國公人名封號皆與皇慶所封同且阿錫

葉工星歷醫藥故掌二司事則太醫院是其世職

史或因其兼官誤作二人而前後複載耳其封年



孰是孰非不可得而訂矣弘簡錄止書文宗所封  
之人曰阿爾哈雅而仁宗時所封不載

安吉乞塔特布濟克武宗至至大三年五月賜安吉州  
民戶五百仁宗皇慶二年正月以前尚書右丞相封延  
祐五年四月卒

臣等謹按封安吉王事紀書在仁宗皇慶二年然  
武宗紀至大三年賜民戶時已稱安吉王則當是  
武宗時封恐仁宗紀有誤

浚都王囊嘉特奈曼人仁宗初官河南江北行省平章  
政事封

臣等謹按此事紀文不載傳文則云仁宗即位以  
其家河南特授河南江北平章政事佩金虎符終  
其身封索多王則疑其卒後追封也今以無追封  
追贈明文姑列之

威寧郡王托果齊仁宗延祐二年十月封賜金印

以下皆仁

宗紀餘

無可考

趙國公和爾齊特穆爾布哈仁宗延祐二年十月封

壽國公呼圖克岱爾仁宗延祐三年正月以前中書左

丞相封

魯國公阿爾坦綽克仁宗延祐四年十二月以晉王

即泰

定帝內史特加金紫光祿大夫封

魯國公邁珠仁宗延祐五年正月以湖廣平章封

桓國公實德哩仁宗延祐五年三月以晉王內史加榮

祿大夫封

薊國公達實特穆爾延祐七年六月

時英宗以知樞密已即位

院事封

以下皆英宗紀餘無可考

臣等謹按泰定二年十二月又書封開府儀同三司上柱國達實特穆爾薊國公當即此人未知何年所封為是

和國公布喀齊英宗至治元年七月以大尉封

蘭國公塔齊爾英宗至治二年正月封

翊國公徹伯爾都王保賽音之家臣泰定帝元年十月

保賽音言其有功授開府儀同三司封翊國公賜銀印

以下皆秦定帝紀餘無可考

和國公阿里爾默色秦定帝二年二月封

蔡國公張珪弘範之子宫中書平章政事秦定二年封

刻印以賜四年卒

昭武王和碩秦定二年七月以知樞密院事封郡王

止稱

郡王無國號

文宗天歷二年正月封昭武王

時亦稱封知樞密院事和碩為

昭武王恐秦定帝紀或誤書也諸王表於昭武王位下無此人

梁國公圖烈納泰定三年正月封

臣等謹按泰定紀止云封國公無國邑之號考文

宗天歷二年九月有元帥梁國公圖烈納之名都  
朶音近其為梁國無疑

惠國公諾海齊泰定四年三月皇子允丹藏布出鎮北

遘命諾海齊商儀內史府事故封

泰定帝紀  
餘無可考

某國公庫春泰定四年三月封

泰定帝紀  
餘無可考

岐王索諾木衮布

名號見泰定帝四年七月紀諸王  
表岐王位下亦有此名餘無可考

寧國王必克楚喇寶

泰定四年八月有給以印事餘無可考

秦王巴延默爾吉濟特氏文宗至順元年以迎立功尚  
世祖濶出太子女孫曰布延德濟二年封浚寧王賜金  
印以下梁路尉氏縣為食邑三年又賜陳州順帝元統  
元年以高郵府為食邑進封秦王賜金印至元二年四  
月又以集慶廬州饒州圖塔哈民戶賜之至元六年二  
月以罪黜尋安置南恩州陽春縣死  
忠王滿濟爾噶台巴延之弟順帝至元三年議封王爵

以兄弟不宜並王辭七年以其子托克托為右丞相有  
功封滿濟爾噶台為忠王至正七年以讒安置甘肅卒  
申國公哈喇章托克托子托克托得罪時哈喇章亦安  
置肅州至正二十三年御史張冲等訟托克托冤乃召  
還封申國公

臣等謹按巴延雖有迎立翊戴之功而驕縱專恣  
有無君之罪賴其姪托克托明於大義滅親之旨  
為順帝除之至正四年五月詔封托克托為鄭王



食邑安豐賜金印俱辭不受惟加達爾罕之號後  
以讒言安置其父於甘肅托克托同行及後召還  
以治河功賜淮安路為食邑十四年又以討張士  
誠老師費財削官爵安置淮安又流雲南哈麻矯  
詔鳩之二十三年始以御史言召封其子而托克  
托前後俱無封號當時國事已急故不暇追封耳  
保德郡王特穆爾文宗天歷二年五月以明宗之命錫

封

諸王表於保德  
王名下無此人

柳城郡王額琳沁人文宗天歷二年封

諸王表有餘無可考

興國公雅克布琳文宗天歷二年九月以知樞密院事

封

以下皆文宗紀餘無可考

梁國王圖沁特穆爾文宗天歷二年十月以太禧宗裡

使封

昌寧王伊蘇額布根文宗至順元年四月封桓國公順

帝元統二年二月封昌寧王賜金印

見文宗順帝紀餘無可考

臣等謹按紀中雖無進封之文然其名全同必即

一人也表中無昌寧王之位

宣寧郡王奈曼台文宗至順元年閏七月官甘肅平章

政事封賜金印

以下皆文宗  
紀餘無可考

臣等謹按表於宣寧郡王位下有二人其一書額

琳特穆爾至順元年封與乃馬台之名迥異無可

詳考額琳特穆爾紀傳中皆不載

武平郡王布哈特穆爾文宗至順元年以知樞密院封

薊國公托音文宗至順元年五月以宣政使封

靖恭王托琳和塔拉文宗至順元年八月封給以塗金

銀印

魯國公趙世延雍古族人阿勒楚爾之孫文宗時官中書平章政事至順元年封魯國公二年改涼國公順帝至元改元仍封魯國公二年卒

臣等謹按紀文止載初封魯國事餘皆缺

豐國公齊哩克文宗至順元年八月以內史封

文宗紀餘無可

考

遼國公齊特班文宗至順二年十一月封見文宗紀餘無可考

岐陽王鄂勒哲特穆爾人名見順帝至元年八月紀餘無可考

宜國公奇爾濟蘇順帝至元元年八月以知樞密院事

封見順帝紀餘無可考

宣德王鼎珠順帝至元元年八月以太保中書平章政

事封見順帝紀諸王表宣德王位下無定住名餘無可考

順國公實保齊寒食順帝至正元年十月封順帝紀餘無可考

岐王阿爾奇亦稱阿爾齊順帝至正九年十月命鎮西番順帝

紀餘無

可考

臣等謹按諸王表岐王下無此人名又明史馮勝傳勝帥兵出西塞外時元岐王多爾濟巴勒遁去此不知即岐王阿爾奇之後裔否也

邵王烏呼

見順帝至正十二年紀與岐王阿爾齊巴同賜物餘無考

武國公伯嘉努順帝至正十三年五月以知樞密院事

封

見順帝紀餘無可考

營國公和尼齊順帝至正十八年官江西左丞已升平

章政事加封營國公夏四月陳友諒來攻江西和尼齊

見城將陷遁去

附見道  
童傳

和寧王婁章順帝至正二十一年官少保知樞密院事  
以討平叛王阿爾呼木特穆爾封和寧王嶺北行省丞  
相鎮北藩

薊國公和尼齊

人名見順帝至正二  
十三年紀餘無可考

梁王鄂爾根潁州沈邱人察罕特穆爾之父也順帝時  
察罕特穆爾被殺死

追封忠  
襄王

封其父鄂爾根為汝陽王

後又進封梁王明太祖洪武元年四月圍河南鄂爾根以河東降

河南王庫庫特穆爾潁州沈邱人察罕特穆爾之甥養以為子至正二十二年山東賊刺殺察罕特穆爾詔繼領其兵二十五年封河南王總天下兵以汝州為食邑二十八年以跋扈不臣削爵邑尋復之及明兵至太原庫庫特穆爾遁走沙漠

邠國公李思齊順帝至正二十五年正月封許國公皇



太子又加封邠國公

賓國公五十八

人名見順帝至正二十五年十月紀餘無可考

趙國公丁好禮真定蠡州人官中書平章政事順帝至

正二十七年封明兵入京城殉難

雲國公邁珠

人名見順帝至正二十七年二月紀餘無可考

永平王巴咱爾順帝至正二十七年以太師封

以下皆順帝紀

餘無

可考

沂國公王宣順帝至正二十七年以司徒淮南行省平

章政事封

許國公關保順帝至正二十七年十月以平章內史封

秦國公平章知院溫普

人名見至正二十八年餘無可考

臣等謹按以上異姓封爵皆已載入其有不能辨其為同異姓者附載於左以見存疑之意又前所列王名有僅見於各帝之紀而餘無可考者亦多不能確知其為異姓如威寧郡王托果齊保德郡王特穆爾之類是也

郡王法喇王

臣等謹按世祖至元二十一年閏五月紀云封法喇王為郡王不知其為何族人

恩平王塔斯布哈仁宗皇慶元年三月封

臣等謹按此世系諸王二表皆無之不可考其為同異姓

武平王圖們特穆爾仁宗延祐五年二月封賜印

又泰定時有武平王特古斯布哈

泰定紀封  
年無考

臣等謹按此諸王表有世系表無考延祐五年紀云封諸王鴻和特穆爾為嘉王圖們特穆爾為武平王並賜印或疑其為同姓然或為駙馬亦未可知特古斯布哈亦僅見於泰定三年正月之紀至以樞密院得封之布哈特穆爾則當的是異姓故已列入前矣

保寧王汪濟文宗至順二年十一月以諸王封賜印並以其先所受印賜諸王呼圖克特穆爾之子庚兀台

臣等謹按此諸王表有世系表無不能辨其為同異姓封年表作天歷二年誤

邠王布延特穆爾文宗至順二年封

臣等謹按此世系表無之不可辨其為同異姓

外戚封建

河西王阿禪姓布斯格爾鴻吉哩氏托音色辰之子也為太祖國舅從征伐有功歲丁亥賜號國舅阿禪諾延壬辰封河西王賜銀印以統其國族仍授萬戶使領之

後卒

臣等謹按阿禪之子孫多封濟寧王魯王而按陳  
生前止封河西王其濟寧王之號則元貞元年追  
封故從其身膺之實書之

濟寧郡王特穆爾阿禪之孫世祖至元二十四年以征  
乃顏有功封

臣等謹按特穆爾傳中並不載其尚主事公主表  
作尚囊嘉特章公主誤也世祖紀又書二十四年

十一月封駙馬特穆爾為濟寧郡王則又似曾尚  
主者今以傳文為斷故不書駙馬

濟寧王曼濟台亦阿禪之孫尚囊嘉特章公主繼尚裕  
宗女納木喀巴拉公主成宗元貞元年正月封賜金印  
魯王琯阿克巴拉之子尚僧格喇實公主成宗大  
德十一年封時武宗  
已即位賜金印至大三年卒

魯王阿哩雅實哩多阿克巴拉子至大四年時仁宗  
已即位襲  
封尚多爾濟巴勒公主元統元年卒

臣等謹按文宗紀至順元年閏七月有魯王阿拉克實喇之名當即此人

魯王僧格巴拉多阿克巴拉之弟成宗時尚普納公主  
即鄆安大長公主至順間封鄆安王授金印元統二年加封魯

王

懿國公德呼勒阿禪弟冊之曾孫至元四年封賜銀印

傳中止云至元四年封當時世祖之至元也但按其世次不應早封若此豈封時年尚幼耶

毓德王

傳作也德今從紀

博囉特穆爾阿禪裔孫名托里者之



孫順帝至元二年封賜金印

臣等謹按泰定帝紀二年七月有封駙馬博囉特  
穆爾為郡王之文當即此人先封郡王後加毓德  
之號但傳中不載耳

安漢王綽哈阿禪次子伯克之裔孫尚怠和塔拉公主  
仁宗皇慶元年封永豐郡王旋改安遠王以兵守莽來  
威靖王浩里烏齊爾泰定帝后之父泰定二年四月封  
臣等謹按此以后父得封諸王表亦稱駙馬列在

金印螭紐類公主表無此人考泰定帝后鴻吉哩氏其父為阿禪孫鄂蘭徹爾特色辰傳其名與紀中所書小異然后妃傳中泰定帝止此一后則浩里烏齊爾當即鄂蘭徹爾也故從其族屬附載於此

初鴻吉刺氏族居於庫呼勒溫都爾肯德呼穆爾額爾古納河之地歲甲戌太祖在特默格爾時有旨分賜阿禪及其弟和和冊等農土

農土猶言經界也

至至元七

年按陳之孫襲萬戶額埒春及其妃囊嘉特章公主  
請於朝曰本藩所受農土在上都東北三百里塔喇  
海子實本藩駐夏之地可建城邑以居帝從之遂名  
其城為應昌府二十二年改為應昌路元貞元年濟  
寧王曼濟台亦尚囊嘉特章公主復與公主請以應  
昌路東七百里駐冬之地創建城邑復從之大德元  
年名其城為全寧路弘吉剌之分邑得任其陪臣為  
達魯噶齊者有濟寧路三州一十六縣

濟寧汀州永  
平各州縣地

名全見傳  
中此不錄

丙申歲所賜也汀州路六縣至元十三年

所賜也永平路六縣至大元年所賜也若平江稻田

一千五百頃則至大二年所賜也其應昌金寧等路

則自達魯噶齊總管以下諸官屬皆得專任其陪臣

而王人不與焉此外復有王傳府自王傳六而下其

郡屬官以署計者四十餘以員計者七百餘其五戶

絲金鈔之數則濟寧路三萬戶汀州路四萬戶絲以

斤計者歲二千二百有奇鈔以錠計者歲一千六百

有奇此所謂歲賜者也

昌王阿實克伊奇喇斯氏追封昌王巴圖之四世孫尚

成宗女伊埒哈雅公主復尚憲宗曾孫女滿達勒公主

成宗時封昌王置王府官屬

紀作武宗至大元年六月封與傳異其賜金印傳又

不載賜金印阿實克卒其子巴拉實哩襲封尚雅克哈雅

公主泰定元年四月命往鎮阿南達昔所居地

懿德王實喇卜多爾濟巴拉實哩之子尚伊魯公主文

宗至順二年八月封賜塗金銀印後進襲昌王

臣等謹按巴圖傳生前止以功封冠懿二州

不言何官

歿後始進昌王其子縑勒噶孫扎古喇沁曾孫和琳皆於歿後始襲封昌王直至阿寶克始身膺封爵觀置王府官屬事其以前並未開府可知故皆不列至寶喇卜多爾濟之進封昌王紀文不載考文宗至順二年三月尚有昌王巴拉寶哩之名則當其父在時先封懿德父歿後進襲昌王也

寧昌郡王蘇都爾格巴圖之後

其兄為布哈布哈之父為特默格表中有巴圖

子特濟根不知  
即特默格否

尚魯爾干公主又尚羅壘公主世祖至

元二十二年正月封賜龜紐銀印其子布琳濟達尚卜

顏奇爾默色公主亦封寧昌郡王

不憐吉歹封年紀  
文無考專據表書

北平王鎮國翁觀部人阿勒古斯托克塔古哩

此追封  
高唐王

者之姪太祖時封鎮國卒子尼固爾台襲尚睿宗女塔

瑪噶公主

阿爾古斯托克塔古哩納款太祖後歸鎮本部為人  
所殺其妻携幼子巴約特與姪鎮國來巴約特尚幼

故先封其姪

北平王巴約特幼從攻西域還封北平王尚阿拉克必

濟公主

郇王尼固爾岱鎮國之子尚塔瑪噶公主由北平王進

封

兩次封年紀  
傳皆無考

高唐王奇爾濟蘇巴約特次子阿爾布哈之子尚呼圖

克台默色公主繼尚阿裕實哩公主有戰功成宗即位

封給金印大德二年以乘勝深入為西北敵兵所執不



屈死之

高唐王摩和納奇爾濟蘇之弟尚阿寶克圖魯公主兄

歿兄之子幼故詔令襲封

成宗大德三年十二月紀書賜諸王烏呼訥銀印或亦即

此人賜銀印也

臣等謹按諸王表郃王位下載哲古訥駙馬至大

二年襲封考此事紀傳皆無之哲古訥當即此木

忽難郃與高唐二號名異而實同其必先封高唐

後又襲郃王之一字王也至大二年則又當進趙

王而以讓專云

趙王專奇爾濟蘇之子尚晉王女喇特納巴拉公主武宗至大二年摩和納當進封趙王即以讓專遂封趙王

臣等謹按諸王表趙王位下書主忽駙馬至大元

年封當即摩和納之誤

趙王阿魯圖

世系無考

仁宗延祐元年三月封趙王滿濟勒

噶巴約特之曾孫

準布哈之孫囊嘉特之子

泰定元年封天歷元年

承上都之命起兵南侵被執又有趙王博囉

至順二年三月有趙

王巴哩納食邑

事餘俱無考

臣等謹按阿爾古斯托克塔古哩之族公主表中

皆稱趙國然阿爾古斯托克塔古哩與其子巴約

特皆薨後始追封高唐王巴約特則又進趙王奇

爾濟蘇亦於薨後追封趙王直至專始得身膺趙

王之號也又公主表中載巴約特子準布哈阿爾

布哈準布哈之子囊嘉特又準布哈之弟察克布

哈

傳中巴約特子  
無察克布哈名

皆稱趙王考之紀傳皆不見其

受封事故不列至博囉一人其名僅見於紀他無可徵然既稱趙王則必其一族故亦附書

高昌王納琳德濟巴哩珠阿爾坦德濟伊都呼之四世孫也尚太宗女孫布爾罕公主巴拜徹爾公主又尚安西王女烏拉戩公主武宗朝嗣為伊都呼賜金印仁宗始封為高昌王別以金印與之設王傳官其王印行諸內郡伊都呼印行諸輝和爾之地延祐五年卒

高昌王特穆爾布哈納琳德濟長子也大德中尚庫騰

太子孫女多爾濟斯滿公主延祐時襲封

高昌王沁結亦納琳德濟子文宗時

封年未詳

襲兄之封至

順三年五月薨其弟太平奴襲

高昌王伊嚕特穆爾

封年未詳

順帝至正十三年六月薨詔

其子僧格襲

見順帝紀

又有高昌王舒蘇德濟其子為荆南

王多喇德濟

臣等謹按高昌國主本號伊都呼巴哩珠阿爾坦

德濟與其子伊囉勒德濟孫茂穆爾德濟曾孫和

爾齊哈喇德濟

是為納琳德濟之父

雖皆繼世襲爵然止循

舊號未有高昌王之名故皆不載其後襲高昌王

之事傳中敘至錢吉而止公主表亦無可考其太

平奴以下五人皆專據紀文與忠義傳載入惟是

傳中止言納琳德濟有子二人而紀文又云桑節

薨後其弟襲位

諸王表載至太平奴而止

則當不止二人矣伊

嚕特穆爾之上距太平奴行輩封年皆無可徵中

間不知更有傳襲之人否忠義巴延布哈德濟傳

云是駙馬都尉中書丞相封高昌王舒蘇德濟之  
孫駙馬都尉江浙行省丞相封荆南王多喇德濟  
之子舒蘇德濟之輩行封襲亦無可考又水東日  
記載高昌王世勲碑云特穆爾布哈長子布達寶  
哩嗣高昌王此則紀傳表中皆無一載者故不以  
列入而存其語於此

寧濮郡王昌吉尚鄆國大長公主孟克台

成宗紀作下嫁岐王圖卜

特穆爾非昌吉也未知孰是

世祖至元二十四年二月封

歧王圖卜特穆爾

公主表云尚僧格巴拉公主成宗紀作尚孟克台公主不知孰是昌吉與

圖卜特穆爾公主表皆列在鄆國公主位成宗大德十年五月封濮陽王賜

金印仁宗皇慶元年十一月進封歧王

臣

等謹按濮陽王圖卜特穆爾與歧王托克托穆

爾分見於成宗仁宗之紀不云進封諸王表云由

濮陽進封歧王自當不誤但仁宗皇慶元年十一

月書封駙馬托克托穆爾為歧王而諸王表作延

祐四年進封則異矣



昭武郡王駙馬赫伯成宗大德十年正月封

其所尚主及氏族皆

不可考

齊國公約蘇武宗至大三年二月以尚書左丞相駙馬

都尉封仁宗即位尚書省言其變亂舊章伏誅

見武宗仁宗紀

餘無可考

永寧王瑪展尚鄂勒哲台公主文宗至順元年閏七月封

賜金印

鄆國公駙馬錦濟勒文宗至順元年閏七月封

臣等謹按此僅見文宗紀餘無可徵其所尚主當亦是鄆國公主位但表中不載

雍王婁達實順帝時官御史大夫因監察御史劾宦官保布哈事為帝所怒以帝之母舅故封為雍王遣歸國匿於叛臣博囉特穆爾軍中同稱兵犯闕復命為中書平章尋伏誅

臣等謹按元時崇尚釋教封帝師國師而下即有王公之封如武宗至大二年十二月封西僧瑪爾

布允則為寧國王賜金印三年十月封伊琳沁策

喇實為文國公賜金印英宗至治元年十二月封

索諾木藏布為白蘭王賜金印

至泰定三年四月  
又複書錫王爵

文宗天歷二年十一月西夏僧總持封國公瓊布

卒以其弟嘉勒燦已勒藏布襲仍賜印章之類雖皆

見於紀文然非由居官得封終不可入之列爵分

土之內故皆不載

又按元代於乳保之勞加恩優渥如成宗即位之

年六月封乳母夫巴延巴延為冀國公武宗即位  
之年五月封皇太子乳母夫楊燕家努為壽國公

仁宗即位之年五月改封乳母夫楊德榮

即燕家努為

雲國公虞集傳文宗時封乳母夫為營都王奸臣

哈瑪爾傳其父為禿魯其母為寧宗乳母故封圖

魯冀國公之類出自私恩原非令典至若英宗至

治三年二月封鷹師布哈為趙國公則更無稽矣

故亦不載



欽定續文獻通考卷二百七